

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Johannis Segeri Weidenfeld De Secretis Adeptorum Sive  
Usu Spiritus Vini Lulliani Libri IV**

**Weidenfeld, Johann S.**

**Londini, 1684**

XIII. Menstrua mineralia simplicia ex materia Vini phil. tantùm

[urn:nbn:de:bsz:31-96282](#)

D E

## Menstruis Mineralibus.

## XIII. G E N U S. H

*Menstrua mineralia simplicia ex materia  
vini phil. tantum:*

59. Leo viridis Riplei.

*Libro Accurtationum pag. 383.*

R. **V**IRIDEM leonem absque dissolutione in aceto  
(utι alias moris est) & ipsum pone in magna  
retorta terrea, quæ possit sustinere ignem, &  
pone ad destillandum per modum & viam, ac  
si aquam fortem destillares, supponendo recep-  
torium, & bene lutando juncturas, ne respirare possit; deinde  
cum igne lento primò destilla, quoisque videris fumos albos  
apparere, tum muta receptorium ipsum bene claudendo, & sic  
cum magno igne destilla, sicut destillatur aqua fortis, sic per  
24 horas continuando, & si per octo dies continuabis ignem,  
semper videbis receptorium plenum fumis albis, & sic habebis  
*sanguinem viridis leonis*, quem vocamus *Aquam Secretam*, *Ac-*  
*tum acerrimum*, per quod omnia corpora reducuntur ad suam  
primam materiam, & ab humano corpore omnes repelluntur  
infirmitates. *Hic est ignis noster* ardens semper continuando  
uno modo intra vas vitreum, & non extra; *terquilinium no-*  
*strum*, *nosta Aqua vitae*, *Balneum nostrum*, *Vindemia nostra*,  
*Venter equinus noster*, qui mirabilia operatur in operibus naturæ,

Z

&amp;

& examen omnium corporum solutorum & non solutorum, & est Aqua acuta portans in ventre suo ignem, ut Aqua ignea, nam aliâs non haberet potestatem solvendi corpora in primam materiam. Ecce hic est noster mercurius, noster sol, & luna, quo utimur in opere nostro. Deinde invenies in fundo vasis fæces nigras sicut carbones, quas per spatium octo dierum calcinabis cum lento igne, &c.

## Annotations.

**H**æc tenus unctuosum spiritum vini phil. relus oleosis, arido-oleosis, oleoso-aridis, aridisque puris temperavimus, & in varia redigimus menstruorum vegetabilium genera; in quibus menstrua exhibuimus omnibus modis absoluta & perfecta, odore, sapore, & colore incomparabilia, absque strepitu & effervescentia dissolventia, & cum rebus dissolutis permanentia: Sequuntur jam in ordine, quæ dicuntur menstrua mineralia, quæ quamvis sint fætentis odoris, acidi vel corrosivi saporis, & ut plurimum lacllei & opaci coloris, imò cum summa violentia & corrosione dissolvant corpora; nihilominus, quoniam eundem vini phil. spiritum, ac menstrua vegetabilia pro sua habent basi, ideo æquè illa permanentia sunt, imò his meliora quoad temporis abbreviationem.

Superaddita enim salium mineralium aciditas ( ob quam mineralia menstrua dicuntur corrosiva vel acida ) destruere nequit naturam spiritus vini, neque naturam menstruorum vegetabilium, sed corrodendo reddit aridorum particulas aptiores ad uniendum eas cum oleoso vini phil. spiritu. Quod si verò removatur illa, sit iterum quod antea fuit, nimirum vel vini phil. spiritus, vel menstruum vegetabile. Methodum autem, quâ usi fuimus in menstruis vegetabilibus, eandem etiam pro posse observabimus in hisce menstruis mineralibus. In vegetabilibus quidem ex vino phil. extraximus Aquam ardentem, à quâ circulando separavimus oleum, cœu essentiam vini, quæ spiritus vini est noster quem deinde diversimode aciendo redigimus in præcedentia menstruorum vegetabilium genera; In mineralibus verò incipiemos cum Ævis philosophicis, ipsâ vini phil. materiâ, quæ aliâs Leo viridis, Adrop, &c. dicitur. Quamvis autem hujus loci non sit, ut hanc materiam discutiamus si tamen clariora quædam ejus elucidationi inser-

*Servientia nobis vel in ipsis Receptis, vel aliounde sponte occurrant, ea obscurare noluimus, è contrario illustrare illa, & ita exponere decrevimus, ut non solummodo de vobis promissa utilitate & necessitate hujus spiritus statim certiores, sed insuper etiam quaedam habeatis prænotiones de ejus conceptione, substantia, nativitate, &c. Pro hujus Recepti elucidatione dabimus quædam alia Recepta ejusdem materiae, ut singula inter se collata clariorant: Imprimis subjiciemus menstruum non quidem ex ipso Leone viridi, sed ex eo dissoluto cum acido & in gummi quoddam redacto.*

## 60. Menstruum ex gummi Adrop Riplei,

*Libro Accurrationum pag. 381.*

R. **A**drop, hoc est, Leonem viridem, de quo superius locuti fuimus, & ipsum in aceto destillato dissolve per spatum septem dierum, ter quotidiè agitando bene vas, in quo est materia; postea evacua liquorem dissolutum, & per filtrum ter destilla à fæcibus suis, quoque erit clarum sicut cristallus, & cum lento igne evapora acetum, quoque erit ad similitudinem visci spissum, quod quasi non potes ipsum agitare propter viscositatem, & post infrigidationem extrahe ipsum è patella, & serva, & iterum fac plus de illo; & hoc fac, quoque habetas duodecim libras hujus leonis viridis vel adrop reducti ad modum gummi, tunc habes terram extractam à terra & fratrem terræ. Tunc accipe libram illius gummi, & pone in vase vitro, quod sit ad magnitudinem unius pottelli, bene lutando juncturas alembici cum colla, facta ex claro ovorum & limatura bene simul mixtis.

*Hoc Receptum in tractatu de Adrop philosophico, (qui volum. sexto Theatri chymici extat, & discipulo cuidam anonymo Guilonis magni de monte inscribitur, sed cum Riplei libris, vide licet præsenti de Accurrationibus, & clave aureæ portæ, cuius major pars Dunstano maximo, Archiepiscopo Cantuariensi datur) per omnia idem est quoad sensum, quamvis purius in translatione*

Z 2 bæc

*hæc ita legantur:* Jām accipe tres libras de prædicto gummi in destillatorium duarum circiter mensurarum capax, & superposito alembico luta coniuncturas cum luto ex cerevisia, albume ovi & farina, parato. pag. 552. Volum. 6. Theat. Chym. Quod confirmatur cum processu vel recepto clavis aureæ portæ ubi ita: Hujus lactis (*inspissati vel gummi*) impone libras tres in vitrum. pag. 257. Clavis aur. part. Et pone in furnello ad destillandum cum arena, & sit arena in spissitudine duorum dğitorum sub vase, & sic circumquaque usque ad dimidium vasis, vel quousque materia sit cooperta, appone receptorium, in principio faciendo ignem lentum, sed non lutando receptorium, quousque phlegma exierit, & hoc continua donec videris fumos alios apparere in receptorio, sicut lac; tunc augmentando ignem muta receptorium ipsum bene claudendo, ne respiret, & sic continua augmenta ignem, & habebis oleum rubicundissimum, sicut sanguinem, quod est *Aurum aereum*, *menstruum fætens*, *Sol philosophorum*, *Tinctura nostra*, *Aqua ardens*, *Sanguis leonis viridis*, *Humidum unctuosum nostrum*, quod est ultima consolatio corporis humani in hac vita, *Mercurius philosophorum*, *Aqua solutiva* quæ dissolvit aurum sub conservatione suæ speciei, & habet alia quā plurima nomina. Et cum primo sumi albi apparent, continua ignem tuum per horas XII. per quod spatium totum oleum destillabitur, si ignis erit potens, quod serva bene clausum, ne respiret.

*Menstruum hoc à præcedenti in eo differt, quod in hoc leo viridis dissolutus aceto, in illo verò ipsem totus vivus distilletur, cæterò utrumque in se ipso satis clare describitur: Materia tamen menstrui remavente obscuriore, & lectori minus intelligibili: Quare autem leo viridis dicatur, ejus quadruplicem invenimus rationem apud Ripleum.*

Primo, Per leonem viridem, *inquit*, solem intelligit philosophus, qui per vim suam attractivam virescere facit, & totum mundum gubernat. Tract. de Adrop. phit. pag. 547. Volum. sexti Theat. Chym. Idem alibi: Leo viridis est illud, per quod omnia virescunt & crescunt per virtutem suam attractivam ex visceribus terræ, & elevata in hyemalibus cavernis, cuius filius est nobis maximè acceptabilis & sufficiens ad omnia elixiria, quæ ex eo componenda sunt; Nam ex eo habebitur potentia sulphuris albi & rubri non comburentis, quæ est res optima,

ut

ut dicit Avicenna, quam alchymistæ capere possunt, ut inde faciant aurum & argentum. Sed hæc verba sufficere possunt homini sapienti ad cognoscendum & habendum viridem leonem.

*Medulla phil. pag. 139.*

*Secundo,* Insuper etiam viridis dicitur, quia res illa adhuc acida & immatura est, hoc est, à natura nondum fixata aut perfecta, sicuti aurum commune. Viridis igitur leo Philosophorum, est aurum viride, aurum vivum, quod nondum est fixum, sed à natura imperfectum, hinc virtutem habet omnia corpora in materiam suam primam reducendi, & illa corpora quæ fixa sunt, spiritualia & volatilia faciendi. *Tract. de Adrop. 547.*

*Tertio,* Leonem etiam vocare potes, quia quemadmodum cætera animalia leoni cedunt, ita omnia corpora potestati auri vivi cedunt, quod est mercurius noster. *Tract. Adrop. pag. 548.*

*Quartò,* Hic nobilis Insans vocatur leo viridis, quia quando dissolvitur, vestitur viridi vestimento. Tamen ex leone viridi fatuorum (*vitriolo*) extrahitur vehementi igne aqua illa, quam fortè vocamus, in qua dictus leo elixirari debet. *Medulla philos. pag. 139.*

*Hæc quæ de leone viridi dicta, ea etiam intelligenda sunt de Adrop, ejusdem materie synonymo;* Recipe, inquit Ripleus, Adrop, hoc est, leonem viridem. *De Adrop autem sequentia protulit:* Adrop, inquit, est aurum & argentum potentia & non visu, ut dicit Rhasis, & nostrum aurum & argentum, secundum philosophos, non est aurum & argentum vulgare, nostrum enim aurum & argentum sunt aërea, quæ ut bene fermententur, debent conjungi cum dilecto (*auro vulgi.*) Quapropter quidem Philosophus dicit, quod Adrop in sua profunditate sit aurum aëreum, & ipsum Adrop appellatur aurum leprosum. Et his dictis videtur assentire Guido, philosophus Græcus; locutus de spiritu mercuriali aut menstruali (*spiritu vel sanguine leonis viridis*) qui extrahitur de naturali Adrop per artem, ubi scribit: Et iste spiritus est sol ex philosophorum solariâ aqua, arsenico, & luna. Et subsequenter addit eodem loco: Corpus est fermentum spiritus, & spiritus fermentum corporis, & terra, in qua delitescit ignis, exiccat, imbibit, & fixat aquam, & aër in quo deitescit aqua (*aër qui delitescit in aqua,*

aqua, legi dabit juxta doctrinam separationis elementorum) abluit, tingit, perficitque terram & ignem. Et in eo quod Guido dicit, quod tingunt & perficiunt debet intelligi, lapidem (*menstruum ex Adrop vel leone viridi*) esse sufficientem ad sui complementum in elixir, & quod nulla extranea res, ut ipse affirmat, ad ipsum introducitur aut introduci debet, sed omnes ejus partes sunt cōessentiales & concretæ, quia intentio Philosophorum fuit completere illud opus brevi spatio suprà terram, quod natura vix perficit per mille annos subtus terram. Imperitè igitur incidunt secundūm-opinonem philosophorum, quemadmodum Guido dicit, qui ab argento & auro vulgari fermentum ad nostrum electum corpus petunt. Nam materia, in qua est argentum vivum mundum & purum à natura ad complementum minimè (*maximè male legitur*) perductum, post completam mundificationem est, ut affirmat Guido, millesies melius quam sunt corpora solis & lunæ vulgariter decocta per solis naturalem calorem, *Concord. Lullii & Guidon.* pag. 323.

Quidam Philosophus dicit, *pergit de eodem Adrop differens*; fumus (*albus*) exeritur ex suis propriis venis, qui si ritè colligatur, & iterum spargatur super proprias venas, faciet ibi fixionem, atque ita ex eo in brevi temporis spatio generatur verum elixir. Et certè sine istis liquorosis spiritibus, scilicet aqua & oleo mercurii (*menstrui*) corpus alchymicum hoc est neutrale, vel Adrop non purgatur. Et illud est corpus alchymicum, quod vocatur corpus leprosum, id est, nigrum (*in principio operis*) in quo, ut dicit Vincentius in suo speculo naturali, sunt aurum & argentum in potentia & non in aspectu; quod etiam in suo profundo sit aurum aereum ad quod nemo pervenire potest, nisi corpus immundum prius mundetur, quod est sine dubio post completam suam dealbationem, & tunc est millies præstantius, quam sunt corpora auri & argenti vulgaris per naturalem calorem decocta. Prima materia hujus corporis leprosi est aqua viscosa inspissata in visceribus terræ. De hoc corpore ut vult Vincentius, fit magnum Elixir ad rubeum & album, cuius nomen Adrop, quod aliter vocatur plumbum nigrum Philosophorum de quo Raymundus jubet extrahere oleum aurei coloris vel simile: *Adjungit Raymundus:* Hoc autem oleum non est necessarium in vegetabili opere (*videlicet pro lapidis vegetabilis inceratione*) quoniam solutiones & coagulationes ibi citò

citò fiunt; & si potes illud separare à suo phlegmate, & posteà ingeniosè illius secreta indagare, poteris in triginta diebus perficere lapidem Philosophorum. Nam hoc oleum facit medicinas (*tincturas*) penetrabiles, conjungibiles, & amicabiles omnibus corporibus, & in mundo non est res secretior eo.

*Medulla Phil. Chym.* pag. 131.

*Varia h̄c recensuit Ripleus synonyma t̄b Adrop; Nos pro tempore leonem viridem per viam plumbi philosophici persequi statuimus, utpote quorsum dirigitur à Rileo hisce verbis: In primis intellige, quando Avicenna inquit, quod in plumbo sunt aurum & argentum per potentiam, & non per visum, atque hæc relinquuntur à natura cruda & semicocta, ideoque arte suppleri debet perfectè, quod à natura imperfectum relinquitur, idque per januam fermenti digerentis & coquentis, quod reliquum est cruditatis. Itaque pro fermento accipe aurum perfectum, nam paululum (*non paulatim*) de fixa substantia illorum (*corporum fixorum*) trahet & convertet multum non fixorum corporum ad perfectionem auri & argenti. Atque in hunc modum ars subveniet naturæ, ut modico temporis spatio id fiat super terram, quod in mille annis fit subtùs terram. Atque hac ratione intelliges, quomodo plumbum continet in se maxima secreta hujus artis. Habet enim in se argentum vivum, mundum, purum, odoriferum, non ad complementum à natura productum: Atque hoc argentum vivum est basis nostræ pretiosæ medicinæ tam ad corpora metallica, quam humana, ut sit elixir vitæ, sanans omnes infirmitates. De quo intellexit Philosophus dicens: Est in mercurio, quicquid quærunt Sapientes. Ab hoc anima, corpus, spiritus, tinctura trahuntur. Porro etiam in hoc mercurio est ignis Philosophorum, semper æqualiter comburens intrà vas & non extrà. Habet insuper magnam virtutem attractivam, atque potentiam dissolvendi solem & lunam, eadémque in suam materiam primam reducendi. Cum hoc mercurio dissolvendæ sunt calces corporum perfectorum in congelatione spiritus mercurialis prædicti, &c. *Pupilla* pag. 295.*

Sed cave, ne opereris cum saturno (*vulgi*) quia vulgariter dictum est, ne comedas de filio, cuius mater est corrupta, & crède, quòd multi errant in saturno. Audi, quòd Avicenna dicit: *Saturnus semper erit saturnus; imò ne opereris in terra*

fa-

saturni ( phil. ) quam ejus spiritus despexit & reliquit pro sulphure pessimo : Operare duntaxat cum odore ejus ad congelandum mercurium , non tamen , ut faciunt fatui , sed ut philosophi , & habebis bonum opus valde . Phil. cap. 2. pag. 188.

Totum compositum vocamus nostrum plumbum ; qualitas splendoris à sole & luna provenit , atque in summa hæc sunt nostra menstrua , quibus corpora perfecta naturaliter calcinamus , sed nullum corpus immundum ingreditur , excepto uno , quod vulgariter vocatur à Philosophis *Leo viridis* , quod est medium conjungendi tinturas inter solem & lunam cum perfectione , uti Geber ipse testatur . Libro 12. portar. pag. 12. Ut patefaciam tibi hanc rem , scias per Deum , esse unam de illis , quæ sunt septem dierum ( planetarum ) & viliorem earumdem , ex cuius corpore elicetur sanguis artificialiter , & humor vaporosus , qui dicitur *sanguis viridis Leonis* , ex quo fit aqua , quæ dicitur *albumen ovi* & *aqua vitae* , *roris maiti* , & multis aliis nominibus , quæ ad evitandam prolixitatem nunc omittimus . Phil. cap. 3. pag. 190.

*Methodus eliciendi sanguinem viridis Leonis ex plumbō calcinato vel minio philosophico sequens est.*

## 61. Menstruum ex plumbō rubeo Riplei ,

*In Pupilla Alchym. pag. 303.*

¶. **P**lumbi calcinati vel rubificati , sive minii optimi , hoc est , antimonii mineralis præparati quantum volueris , hæc videlicet ratione , ut quot habueris libras plumbi calcinati supradicti , tot habeas lagenas aceti destillati : Huic affunde supra dictum plumbum in magno vase terreo bene devitreato , deinde per spatium trium dierum fac , ut quotidie fortiter moveas baculo ligneo sexies aut septies in uno die , cooperi bene à pulvere & nullo modo apponatur igni , toto hoc tempore . Quo transacto separa per filtrum in aliud vas totum , quod clarum est & crystallinum fuerit , posteā pone in patellam æncam ad

ad ignem lentum, ut evaporet tota aqua phlegmatica; quo-  
usque relinquatur in fundo vasis oleum spissum valde, quod per-  
mitte infrigidari. Quo facto fiet materia gummosa, ita, ut  
cultello scindi possit, hujus pone libras quatuor in cucurbitam  
vitream cum alembico, bene lutatā juncturā, cum pasta factā  
ex squammis ferri, farina & clavis ovorum bene insimul con-  
tritis. Pone vas in furno arenæ, & non cum cineribus, & se-  
peliatur vas in arena, usque ad medium illius, & fac ut arena  
sit spissitudine duorum digitorum sub fundo vasis. Tunc ad-  
junge receptorium, sed non lutatum, quoisque extraxeris om-  
nem aquam phlegmaticam igne lentissimo, quam aquam proji-  
ce. Cum videbis fumum album apparere, tum luta recepto-  
rium, quod sit duorum pedum longitudinis. Quo extracto  
fortifica ignem, in quantum poteris, quem continuabis, quo-  
usque totum destillaveris, quod 12 horis extrahi poterit, atque  
sic recipies *sanguinem rubei leonis*, rubicundissimum instar san-  
guinis, qui est *Mercurius noster & Tinctura nostra* jam præpa-  
rata, ut effundatur super fermentum suum, hoc est, super cal-  
ces auri purissimi, &c. Cæterum si ad opus album uti volue-  
ris, tribus vicibus destillabis lento igne mercurium tuum, re-  
servando semper ad partem faeces in qualibet destillatione, &  
tuac habebis mercurium tuum albissimum instar lactis. Atque  
hoc est nostrum *Lac Virginis*, *Menstruum dealbatum*, & *Argen-  
tum vivum nostrum* philosophicè exuberatum.

Ex quo per circulationem fac oleum ex calcibus lunæ,  
& procede in omnibus, ut fecisti de mercurio rubeo su-  
per calces auri, & habebis elixir album, quod convertet  
quodlibet metallum in lunam perfectam. Oleum verò  
aureum perfici debet & temperari & bene uniri cum bal-  
famo artificiali, per modum circulationis, quoisque ex  
eis fiat liquor aureus clarissimus, & resplendens, qui est  
verum aurum potabile, & Elixir vitæ magis pretio-  
sum ad corpora humana, quam quævis alia medicina  
mundi.

*Simile menstruum Ripleus habet in sua Medulla philosophiæ  
chymicæ.*

A a

62. Men-

62. Menstruum fætens simplex  
Riplei,

*Medulla phil. chym. pag. 170.*

R. **A**Cutissimam humiditatem uvarum, atque in ea destillata dissolve in aquam crystallinam claram corpus bene calcinatum in rubeum, quod à Philosophis appellatur Sericon, de qua fiat gummi, quod gustu assimilatur alumini, & à Raymundo vocatur vitriolum azoicum. Ex hoc gummi igne lento extrahitur imprimis aqua debilis, quæ gustu nullam habet acuitatem, non magis quam aqua fontis. Et quando sumus albus incipit apparere, tunc muta receptorium, & luta fortiter, ut nullo modo possit expirare; atque ita recipies aquam tuam ardensem, Aquam vitae, & menstruum resolutivum, quod anteà erat resolubile. Hic est vapor potentialis, potens dissolvere corpora, putrefacere, atque etiam purificare, dividere elementa, & exaltare terram suam in salem mirabilem virtute sua attractiva. Et qui putant aliam esse aquam, de qua loquimur, præter hanc, errant in opere isto. Hæc aqua habet gustum acerimum, & partim etiam odorem fætidum, atque ideo vocatur menstruum fætens: Et propreà quod sit aqua valde aërea, ideo *infrā horam* postquam destillatur sive rectificatur, debet ponи super calces suas. Quando verò superfunditur super calces prædictas, incipit ebullire. Tunc autem si vas fuerit bene clausum, non cesabit operari sine igne extrinsecus illi administrato, quoisque exicitur in calcem. Quocircà non debet apponi illius major quantitas, quam quæ vix sufficiat cooperire calcem. Deinde verò ultrà progredere ad totum complementum illius, sicut in opere aquæ compositæ. Et quando elixir reductum fuerit in colorem purpureum, dissolvatur in eodem menstro, in oleum tenui prius rectificato, super quod figatur per circulationem spiritus aquæ nostræ, & tunc habet potentiam omnia corpora convertendi in aurum purissimum, & sanare omnes infirmitates corporis humani, plus quam omnes potiones Hippocratis & Galeni. Nam hoc est

est verum Aurum potabile & non aliud , quod fit ex auro elementato artificiose , circumducto per rotam philosophicæ , &c.

*Idem menstruum habetur in vade mecum Riplei.*

### 63. Menstruum sericonis Riplei.

*In Vade mecum, vulgo the Bosomebook.*

R. **S**Ericonis vel antimonii libras triginta , ex quibus habet bis gummi libras viginti vel circiter , modò acetum sit bonum ; singulas libras istius sericonis solve in aceti bis destillati mensuris duabus ( a gallon , ) & cum aliquantisper sterterit in digestione , agita baculo puro materiam saepius qualibet die , quo saepius eò melius , liquorem filtrater , fæces abjice , ut superfluum removendum , non intrans magisterium , id enim terra damnata est . Tum liquores filtratos in balneo Mariæ evapora temperato calore , & sericon nostrum coagulabitur in gummi viride , dictum *Leo viridis noster* , gummi istud exsicca bene , cavendo tamen , ne comburas flores ejus vel destruas viriditatem . Tum recipe dictum gummi , pone in retorta vitrea forti bene lutata , & destilla igne moderato aquam debilem abjiciendam . Verum quam primum videris fumum album ascendentem , appone recipiens vitreum amplum & capacitatis sufficientis , cuius orificium exactè collo retortæ conjungitur , quæ lutabis optimè , ne aliquid de fumo pereat vel evanescat ex recipiente . Tum per gradus augmenta ignem , donec fumus rubeus ascendat , & fortior em ignem continuabis usque dum veniant guttae sanguinæ , vel nullus amplius appearat fumus . Tum per gradus diminue ignem , omnibus jam frigesactis , remove recipiens , & subito clade ne spiritus evanescant , quoniam liquor hic , dicitur liquor noster benedictus , vase vitro optimè clauso reservandus . Tum examina collum retortæ , ubi invenies glaciem quandam albam & duram , ad modum vaporis congelati , vel mercurii sublimati , quam cautè collige & serva , quoniam continet secreta magna de quibus inferius . Tum fæces ex retorta exime , nigras fuliginis instar , quæ dicuntur *Draco noster* , quarum libram unam vel amplius

juxta placitum calcina in furno sigulorum vel vitrariorum , vel  
 in anemio in calcem albam niveam , quam serva puram per se ,  
 cum dicatur *Basis & fundamentum operis , Mars , Terra no-*  
*nstra alba fixa , vel Ferrum Philosophorum.* Jam recipe residu-  
 um fæcum sive Draconis nigri , & super marmor vel alterius  
 generis lapidem disperge , & in extremitatum altera accende  
 carbone vivo , & spatio dimidiæ horæ transcurret ignis per  
 omnes fæces , quas calcinabit in colorem citrinum glriosum  
 valdè . Fæces has citrinas dissolve aceto destillato , per modum  
 dictum superiùs , filtra quoque ter , ut suprà , dissolutum , de-  
 inde evapora in gummi , & destilla menstruum , quod nunc di-  
 citur *Sanguis Draconis* , istudque reitera opus in omnibus , ut  
 anteà , donec totum vel majorem partem fæcum reduxeris in  
 liquorem nostrum naturalem vel benedictum , quos liquores  
 omnes affunde liquori primo , sive menstruo dicto *sanguis*  
*leonis viridis.* Liquorem ita mixtum in vase vitro putrefac  
 per 14 dies . Tum procede ad separationem elementorum ,  
 quoniam jam omnem habes in hoc liquore benedicto , lapidis  
 ignem olim occultam in fæcibus . Quod secretum mirabiliter  
 hactenus occultatum fuit à Philosophis . Jam recipe omne  
 menstruum putrefactum , pone in vitro veneto aptæ quantitatis ,  
 appone alembicum , quod luta linteis albumine ovorum made-  
 factis , oportet , ut recipiens sit valdè amplum , ne spiritus re-  
 spirans exeat , & temperato calore separa ab invicem elementa ,  
 & elementum aëris ascendet primò , quod est oleum ( *spiritus*  
*ardens , in summitate parum olei albi continens.* ) Destillato  
 primo elemento , id in vase alio ad id idoneo rectifica , hoc est ,  
 septies destilla , usque dum comburat linteum in eo madefactum ,  
 si accendatur . Tum dicitur Aqua ardens nostra rectificata ,  
 quam optimè clausam serva , aliás enim spiritus ejus subtilissi-  
 mus evanescet . In rectificationibus Aquæ ardentis ascendet aër  
 in forma olei albi natans super Aquam ( *ardentem* ) & oleum  
 citrinum remanebit , quod fortiori igne destillatur . Mercuri-  
 um sublimatum & in pulverem redactum , dissolve per deliquum  
 in lamina ferrea & loco frigido , liquori filtrato affunde parum  
 Aquæ ardentis , & extrahet mercurium in forma olei viridis  
 supernatantis ; quod separa & per retortam destilla , & ascendet  
 primo aqua , & deinde oleum crassum , quod oleum mercurii  
 est . Tum destilla diluvium vel aquam lapidis in recipiens aliud ,  
 liquor

liquor erit albidus , quem abstrahe in balneo , calore moderato , usque dum remaneat in fundo cucurbitæ substantia quædam crassa oleosa , instar picis liquidæ , aquam hanc per se serva in vitro bene clauso . Nota , quamprimum liquor ascendet albus , aliud apponendum est recipiens , quoniam istud elementum totaliter destillatum est . Nigri verò istius olei liquidi guttulæ duæ vel tres administratæ in spiritu vini curant omne venenum . Jam huic materiæ nigræ & liquidæ affunde Aquam ardentem nostram , misce bene invicem , fac ut subsideat per tres horas , decanta & filtra liquorem . Recentem Aquam ardentem affunde , & operationem ter repepe , & tum iterum destilla in balneo igne lento , & hoc reitera ter , & nominabitur *sanguis humanus rectificatus* , quem operatores in secretis naturæ quærunt . Ita exaltasti in virtutem quintæ essentiæ duo elementa , videlicet aquam & aërem ; sanguinem hunc serva pro tempore . Jam materiæ nigræ & liquidæ , vel terræ lapidis affunde deluvium vel aquam , & misce bene invicem , & destilla totum , usque dum remaneat terra valde sicca & nigra , quæ est terra lapidis , serva oleum cum aqua pro tempore . Terram nigram redige in pulvrem , cui affunde *sanguinem humanum* prædictum , digere per tres horas , posteà destilla ex cineribus igne satis forti ; reitera hoc opus ter , & nominabitur aqua ignis rectificata , & ita exaltasti tria elementa in virtutem quintæ Essentiæ , videlicet aquam , aërem , & ignem . Tum calcina terram nigram & sicciam , in furno reverberatorio , in calcem albissimam . Cui admisce Aquam igneam , & destilla igne forti , ut suprà ; terram residuam iterum calcina , & destilla , idque septies , vel donec tota substantia calcis fuerit transacta per alembicum , & tum habes Aquam vitæ rectificatam & reverà spiritualem , & quatuor elementa exaltata in virtutem quintæ Essentiæ . Aqua hæc dissolvet corpora omnia , putrefaciet ea & purgabit . Hæc est *Mercurius noster* , *lunaria nostra* , quicunque autem aliam putat aquam præter hanc , ignorans est & stultus , nunquam perveniens ad desideratos effectus .

*Menstruum hoc ex eadem cum præcedentibus conficitur materia;*  
Nam Leo viridis , Adrop , Plumbum Philos . Antimonium mineralē , Aurum aëreum , Mercurius , &c. unius & ejusdem materiæ synonyma sunt . Materia hæc aceto destillato dissoluta , iterumque inspissata in gummi , quod gustu assimilatur alumini ,

à Ripleo dicitur in menstrui antecedentis sub No. 62. descriptio-  
ne, Vitriolum azoqueum Lullii. *Lullius in practica Testamen-*  
*ti cap. 9. pag. 159. Vol. 4. Th. Chym.* menstruum aliquod com-  
ponit ex B. C. D. Per B. intellexit dictam leonem viridem,  
vel argentum vivum commune quod hominibus, ut inquit alibi,  
magis commune est, quam argentum vivum vulgare. B. ait pag.  
153. dictæ pract. significat argentum vivum, quod est communis  
substantia stans in omni corpore corruptibili, prout per ejus pro-  
prietatem apparel, &c.

Per C. intellexit nitrum commune. C. inquit, significat salis  
petram, quæ communem habet naturam (acidam) & simi-  
lem argento vivo per proprietatem suæ fortis (acidæ) naturæ.  
pag. 154. dicti 4. Volum. Per D. intellexit gummi Adrop ex  
leone viridi confectum. D. inquit, significat vitriolum azo-  
queum, quod corruptit & confundit omne illud, quod est de  
natura & esse communis argenti vivi. Ibidem.

*Utrumque C. & D. media puriora vocat cap. 58. Theor.*  
Test. p. 96. Scias fili, inquit lavatorium nostrum. Tu poter-  
is argenti vivi (phil.) lavare naturam tali modo, ad quem  
natura ullo tempore non potuit pervenire, videlicet, ut argen-  
tum vivum fiat elixir completum. Sed cum in natura, & in  
tuo opere argentum vivum (phil.) & metalla sint extrema,  
& extremitates non habeant posse conjungendi se, nisi per vir-  
tutem dispositionis mediæ, quæ est inter mollitiem argenti vivi  
& duritiem metalli; quia per istam medium dispositionem con-  
stat obedientia naturalis, quæ est causa conjunctionis inter cor-  
pus & spiritum, sicut est in omni generato & generabili. In  
natura sunt plura media, quorum duo sunt puriora & magis  
viscosa, azocea vitriola viridia, cum natura lapidea, quæ  
est sal & natura lapidum. Fili adjutorio hujus vilis  
materiæ procreatur lapis noster, quem tantum quæsivi-  
mus, &c.

Cum horum mediorum altero C. natura lapideâ, salis petrâ,  
sale petræ vel nitro, nullum habemus negotium in presenti; ve-  
rūm de D. gummi Adrop, vel vitriolo azoqueo Lullii solliciti,  
ut ipsum consulamus *Lullium*, operæ pretium erit. De quo phi-  
losophus cap. 59. Theor. Testamenti ita: Fili, inquit, leo  
azoqueus, qui dictus est vitriolum (azoeum) per naturam  
factus est de propria substantia argenti vivi communis, quod  
est

est radix naturalis , unde metallum creatur in sua propria minera.

*Per argentum vivum commune non intellexit argentum vivum vulgi sed philosophicum , radicem naturalem tam metallorum quam mineralium. Quando dicimus , inquit , mercurium communem , dicimus de illo , quem philosophi intelligunt , & quando dicimus vulgarem , loquimur de illo , quem rusticus intelligit , qui venditur in apothecis , cap. 4. libri Mercuriorum.*

*Quod hujus mercurii etiam testantur synonyma sequentia: Chaos , Natura , Origo , Leo viridis , Argentum vivum , Unguentum , Oleum , Pastura & Liquor magni valoris. cap. 45. Theor. Test. p. 75. Volum. 4. Th. Chym.*

*Hoc argentum vivum commune sive Leo viridis depurari debet à suis superfluis , antequam ex eo fiat vitriolum azoqueum Lullii vel gummi Adrop Riplei. Fili indagator hujus scientiae , inquit , oportet te firmum esse & non querere post hoc vel hoc: Quoniam in multis rebus ars ista non perficitur. Et ideo tibi dicimus , quod non est nisi unus solus lapis , scilicet sulphur , & una sola medicina , scilicet compositio sulphuris , cui nihil addere debes , nisi superflua demere terrestria & phlegmatica , quoniam ista sunt & debent esse separabilia , & separanda à nostro argento vivo , quod est hominibus magis commune , quam argentum vivum vulgare , & est majoris pretii , meriti , & fortioris unionis naturae , à quo & suis primis formis omne illud , quod non est de sequela armoniaca metallorum , per gradus separationis scitos & cognitos , opus est separare , &c. cap. 18. Theor. Test. pag. 33. Volum. 4. Th. Chym. Dicimus quod non est nisi unus lapis philosophicus ( volatilis nondum fixatus , sive materia monstrui ) à rebus supradictis nostro extractus magisterio. Et ideo quando de novo venit in mundum , non debes ei addere aliud pulverem , vel aquam aliam , nec aliquam rem extraneam , nisi illud , quod in eo natum est , sue naturae propriæ radicalis & mater ejus , quæ pascit & portavit eum , videlicet sulphur , quod formavit lapidem in colore cœlesti. Sed antequam eum ( lapidem ) ex toto extrahas ( desilles ) foras , purga eum , & munda ab omnibus suis infirmitatibus , ( quæ sunt contra naturam suam ) phlegmaticis , terribibus & corruptibilibus , quia mors ejus sunt , quibus circumdatur ; quæ ipsius vivificatum spiritum mortificant cap. 7. Theor.*

*Theor. Test. pag. 20. Volum. dicti.* Diligenter notandum est quod supradictorum duorum principiorum naturalium (*sulphuris & argenti vivi*) unum verius est naturale in tota, & per totam sui substantiam, tam intrà quam extrà, & illud est sulphur purum, calidum & siccum inducens formam suam, scilicet secundùm quod forma metalli sequitur purum effectum. Reliquum verò (*argentum vivum*) est innaturale, id est, intùs naturale, & extrà contra naturam. Naturale verò extrinsecum est sibi proprium & etiam connaturale factum, quia per propriam naturam advenit. Sed extrinsecum ei additur per accidens, & ab isto est naturaliter post ejus corruptionem (*putrefactionem*) separandum. Propter quod constat argentum vivum tale, non esse in tota sui substantia naturale in prima sui receptione; nec esse ad plenum depuratum, nisi per artis depuratur ingenium. cap. V. pag. 10. *Codicilli.*

*De hac argenti vivi sive leonis viridis purificatione Ripleus ita:* Quocirca, inquit, hic mercurius (*spiritus corrosivus vitrioli vulgi*) vocatur à Raymundo, *Ignis noster contra Naturam.* Nihilominus aliqua in parte huic mercurio (*acido vitrioli*) idem contingit, quod & alii (*mercurio vegetabili, sive leoni viridi*) qui est *ignis noster naturalis.* Nam uterque illorum absconditur in medio vel centro corporis sui, hoc est, inter aquam phlegmaticam ex una parte, & grossitiem terrestrem ex alia parte, neque obtinentur sine industria magna philosophiae. Itaque illæ partes non possunt nobis prodesse, excepta solummodo illorum media substantia. Dicit enim Raymundus: Nos accipimus neque de primis principiis, eò quod sunt nimis simplicia, neque ex ultimis, quia sunt grossa & fæculenta, sed tantum de mediis, in quibus est *tinctura & verum oleum* separatum ab immunda terrestreitate & aqua phlegmatica. Ideò dicit Raymundus in hunc modum: Unctuosum humidum est materia propinqua nostri argenti vivi Physici. Pag. 298. *Pupillæ Alchym.*

*Depuratur autem argentum vivum vel Leo viridis vitriolo vulgi, nimirum:* Quando argentum vivum ponitur in vapore sicco atramentali (*spiritu vitrioli*) qui est aqua acuta, statim dissolvitur per incisionem & penetrationem, quæ movetur ab acuitate forti patenter, & in dissolvendo convertitur in natum atramenti terrestris, non capiendo formam metallicam, nec

nec formam claram, nec cœlestinam, sicut apparet post evaporationem dictæ aquæ & suam congelationem in forma lapillorum croceorum, quæ croceitas à terreitate pontica & sulphurea procedit, quæ ultra mensuram erat in dicta aqua mixta per parva frusta cum universalitate & simplicitate homogenea, quæ simplicitas erat capta & ligata per dictam terrestreitatem, mutatione lucis & claritatis atque luciditatis in obscuritatem, &c.

*Cap. 89. Theor. Test. 141. Volum. 4. Th. Chym.*

Fili vapor grossus atramentosus, à quo creatum est atramentum, est multum acutus & ponticus, & ideo partes penetrat sulphuris & argenti vivi depuratorum, & penetrando inficit illam materiam depuratam, congelando in speciem illius vaporis atramentosi & lutosi terrestris qui mixtus est ipsis. Quare patet id, quod diximus, quæ est major porta, scilicet quòd virtutes terrestres non obtineant super cœlestes sed è converso, & habebis rem petitam. *Cap. 85. Theor. Test. pag. 137. Volum. ejusdem.*

Recorderis quòd cum menstruali (*materia menstrui*) nihil ponere velis, nisi rem, quæ de illo nata sit in principio suæ commixtionis. Nam si rem extraneam ponas, statim corruptetur per extraneam naturam, nec unquam habebis illud, quod habere vis. Aurum & argentum & mercurius dissolvuntur in nostro menstruali, quia participat cum eis in proximitate & vicinitate primæ naturæ. Et hinc extrahe *fumum album*, quod est *sulphur nostrum* & *leo viridis*, qui est *unguentum nostrum*, & *aqua fætens* quæ est *argentum vivum nostrum*. Attamen opus est, ut leo viridis aquâ fætente dissolvatur solemni dissolutione, antequam dictum fumum, qui est sulphur nostrum, habere possis, quod quidem sulphur eodem modo à corpore dissolvitur, spiritum congelando in forma aquæ siccæ, quam lapidem appellamus & medium supremum totius operis nostri, qui est connexio & aggregatio omnium naturarum scilicet corporis & spiritus. Fili, hæc aqua dicitur *Aqua-Ignis* (vel si mālis *Ignis-aqua*, verbum indeclinabile) quia comburit & cremat aurum & argentum melius quam ignis elementalis facere potest; & quia in se continet calorem naturæ terrestris, qui sine vi dissolvit, quod ignis communis facere nequit. Quare tibi præcipimus, quòd de rebus calidioribus, quas in natura recipere poteris, facias magisterium & aquam calidam

sidam habebis quæ omnia dissolvit. Cap. 59. Theor. Test. pag. 98.  
Volum. ejusdem.

Dicta hæc Ripleus brevibus ita comprehendit. Hæc verba, inquit, sufficere possunt homini sapienti ad cognoscendum & habendum viridem leonem. Sed hic nobilis infans vocatur leo viridis, quia quando dissolvitur vestitur viridi vestimento. Tamen ex leone viridi fatuorum (*vitriolo*) extrahitur vehementi igne aqua illa, quam fortè (*spiritum vitrioli*) vocamus, in quâ dictus leo elixirari debet. Nam omne aurum alchymicum sit ex corrosivis, &c. Pag. 139. *Medulla Phil.*

*Argentum vivum* istud, *leo viridis*, *plumbum philosophorum*, &c. *vitriolo depuratum* ulterius maturandum est vel calcinandum in rubeum colorem, minium, plumbum calcinatum, sericon, &c. E. (id est azoth vitreus pag. 15. Theor. Test.) quartum (*medium vel principium*) est quædam substantia procedens ex minera sua & infræ ipsum, magis propinqua naturæ metallorum: Quæ calcantis & azoth vitreus (*mercurius vitriolatus sive vitriolum azoicum*) ab aliquibus nominatur, quæ est terra & minera metallorum, & alio nomine vocatur *Urisius*, lucens album & rubeum in occulto, nigrum & viride publicè, habet colorem lacertæ venenosæ, immediatè generatus ex argento vivo, materiâ suprà dictâ, imprægnata ex dicto vapore calido & sicco sulphureo (*vitrioli vulgi*) in sua resolutione congelatur in lacertam, in quo (*azoth vitriolato*) est forma & species spiritûs fætentis in mixtione, cujus calor mineralis est multiplicatus, qui est vita metalli & est significatum per E. Cap. 3. Theor. Testam. pag. 12. Volum. 4. Theat. Chym.

Et paulo post: In opere naturæ est argentum vivum, sed non tale quale invenitur super terram, nec erit quousque in sanguinem apostematum & venenosum primitùs vertatur. Ibi-dem. Scias, fili, quod per artem & naturam argentum vivum per aquam acutam congelatur. Ideo intellige philosophicaliter, quia si non esset acuta, non penetraret, quæ est prima actio in dissolutione, post quam solutionem in sanguinem apostematum revertitur per mutationem suæ naturæ in aliam. Fili dux res sunt, quæ debent adhaerere per concordantiam contrarietatis, una pura, altera impura. Impura recedit, cum sit ignis inimica, ratione suæ corruptionis. Altera remanet in igne, causa & ratione suæ puritatis, transmutatæ in sanguinem, &

hæc

hæc est argentum vivum nostrum, atque totum nostrum secrētum, indatum indumento tripartito, videlicet nigro, albo, & rubeo. Et isto solum indigemus pro intentione nostri magisterii, cùm sit argentum vivum continens omne illud, quo indigemus pro substantia quinta. Est in mercurio quicquid quærunt sapientes, nam sub umbra ejus latet substantia quinta, nam ejus substantia est pura & incombustibilis. Et omne illud non est nisi aurum & argentum (*non metalla vulgaria sed aërea, in mercurio sive leone viridi existentia*) liquefacta, & fusæ intùs & exterius per virtutem ignis (*contra naturam*) & post depurata & separata à tota originali labe ac macula, nam aurum quod est incombustibile, remanet fusum & liquefactum, & est aurificans in dicto mercurio, &c. Cap. 62. Theor. Test. pag. 103. Volum. 4. Th. Chym.

*Ex hoc minio philosophico, plumbo calcinato vel sericone Adepti aliquando destillavere menstrua sua; sit pro exemplo primum hujus generis sub No. 59.*

*Aliquando autem minium hoc dissolverunt acetō destillato, eoque inde abstracto redegerunt in gummi Adrop vel vitriolum azoicum Lullii, ex quo postea destillarunt menstruum fætens sub No. 60.*

*Aliquando gummi Adrop priùs dissolvebant per deliquium, posteaque destillabant; Decimus tertius practicandi modus, inquit Ripleus, ut hīc patet est valdè curiosus. Et est in saturno (*philosophorum*) rubificato, in vase obturato vitro, ne respiret per ignem fortē & continuum donec rubefiat. Igitur sume illud rubificatum & pone desuper, acetum destillatum in bona quantitate, & agita sæpius per dies singulos durante uno mense (*una septimana*) tunc separa acetum per filtrum, & sume tantummodo illud, quod est absque fæcibus clarum, & pone in balneum ad destillandum, & invenies in fundo vasis post separationem aceti quoddam album vel cœruleum, quod sume & in vesica quintuplicata, ne aqua intret, solve in balneo in aquam cristallinam, pone aquam illam in destillatorio, & separa, si vis, ab ea elementa, vel destilla aquam solutam, quam rectifica in circulatorio, & terram, quæ in fundo remansit (*in destillatione*) tracta per calcinationem, donec crescat sicut spongia, & tunc est multum habilis ad rehauriendum mercurium suum ab ea separatum, ut fiat nova generatio*

& pariatur filius, qui vocatur *Rex ignis*, & qui tantus est in amore omnium Philosophorum. Cap. 17. *Philos.* pag. 220. De hoc opere mentionem fecerat *Ripleus* Cap. 4. ejusd. libelli pag. 194. *inquiens*: Demum est aliud opus in gummi creato per acetum de rubeo saturno, ex quo fit separatio elementorum, postquam dissolutum fuerit in vesicis. Menstrua ex gummi Adrop, qualicunque modo confecta dixerit fætentia propter odorem fætidum. Hæc aqua, *inquit Ripleus*, habet gustum acerrimum, & partim etiam odorem fætidum, atque ideo vocatur menstruum fætens. Aſa fætida etiam dicitur ab odore, quam habet mercurius noster, quando recenter de absurdo corpore suo extractus est, quia odor ille aſa fætidæ similis est, adſtipulante philosopho, qui dicit: Fætorem istum ante præparationem hujus aquæ pessimum esse, qui post ejus circulationem in quintam Essentiam, & bonam præparationem jucundus & valde delectabilis est, & fit medicina contra lepram & omnes alios morbos, sine quo auro vivo nunquam verum aurum potabile facere poteris, quod est elixir vitæ & metallorum. *Adrop. phil.* pag. 548. *Volum. 6. Theat. Chym.*

*Menstrua hæc ob colorem album & opacum dixerunt fumum album.* Fumus albus, *inquit Ripleus*, quoque vocatur, nec immerito, nam in destillando primò egreditur fumus albus ante rubram tincturam, qui cum in alembicum ascendit, vitrum lactis instar dealbat, unde etiam *Lac Virginis* vocatur. *Ibidem.*

*Ex fumo rubeo sive tinctura rubra, alijs sanguis leonis viridis dicta, sola rectificatione duplē mercurium, videlicet rubrum & album præparaverunt Adepti.* Hac occasione, *inquit Ripleus*, regulam generalem te docebo. Si Elixir album facere volueris necesse erit tincturam tuam (*sanguinem leonis viridis*) in duas partes partiri, quarum una pro opere rubro erit servanda, altera vero cum igne lento destillanda. Et aquam albam obtinebis, quæ est *tinctura nostra alba, nostra aquila, noster mercurius & Lac Virginis*. Has duas tincturas seu mercurium album & rubrum cum habueris, super terram ipsorum propriam aut super calcem metallorum practicare poteris, Philosophi enim dicunt, nos de terra non debere esse sollicitos de qua sit substantia, &c. *Adrop. phil.* pag. 554. *Vol. 6. Th. Chym.* *Mercurium duplē Rogerius Baco hoc confecit modo.*

64. Leo

## 64. Leo viridis Rogerii Baconis ,

*A Raymundo Gaufrido in verbo abbreviato de leone  
viridi pag. 264. Thesauri Chymici Baconis.*

**V**erbum abbreviatum verissimum & approbatum de occultis enucleatum brevi sermone abbreviavi vobis in opere lunæ & solis. Imprimis oppidò flagitans à lectoribus, ne talem tantamque Margaritam canibus vel porcis tradant conculcandam; hoc est enim secretum secretorum omnium Philosophorum, hortus deliciarum & aromatum omnium thesaurorum, quem qui semel intraverit, ulterius non egebit. Istud verò verbum, multis non immerito desideratum ab egregio doctore nostro Rogerio Bacon, est primò declaratum: Deinde ego frater Raymundus Gaufridus, ordinis fratrum minorum minister generalis, ipsum verbum brevius quam potui, breviter explanare filiis Philosophiae curavi. In Christi ergo nomine R. Acetum fortissimum in maxima quantitate per alembicum diligenter destillatum, in quo, ut decet, in magna quantitate Leonem viridem dissolve, dissolutum verò destilla per filtrum, & serva in cucurbitis vitreatis bene obturatis. Si aliqua pars notabilis de leone remanserit indissoluta, dissolve cum praedicto aceto, & destilla per filtrum & solutum conjunge cum aliis aquis superius in cucurbitis reservatis, tunc recipe aquas reservatas (*dissolutiones*) & pone omnes ad destillandum in balneo Mariæ, applicatis sibi alembicis bene lutatis, ne cucurbitæ respirent, suppone ignem, & recipe omnes aquas, quæ destillabuntur, caveas tamen, ne Leo dissolutus omnino congeletur in cucurbitis, sed quod remaneat liquidus vel molllis, hinc omnes cucurbitas recipe, & totum quod in eis est, in una cucurbita repone, quam luta bene cum suo alembico, & pone in fурno inter cineres, sicut decet. Et suppone lentum ignem, propter temperationem vitri, & propter humiditatem extraneam, quæ est in ipso leone extirpandam. Et nota, quod istud semper debet fieri cum lento igne, cum verò humitas extranea exierit, fortifica ignem paulatim, & respicias semper nasum alembici, si humor rubeus exire inceperit. Quod

fi

Si adhuc non exit, ignem prædictum continua donec exeat, cùm verò videris humorem rubeum destillare, continuò muta ampullam, quam luta bene cum rostro alembici, & post fortifica ignem, & recipies ab ipso leone suum sanguinem mirabiliter rubeum, continentem in se quatuor elementa multùm odoriferā & bene fragrantia (*post debitam putrefactionem*) serva ergò ipsum in bona ampulla firmiter obturata. Deinde recipe ipsum sanguinem, & pone in ampulla bene clausa ad putrefaciendum, seu digerendum sub fimo bene calido, mutando fimum de 5 in 5 diebus, ut ibi digeratur per 15 vel 16 dies, & hoc fit, ut dissolvantur partes elementares & sint aptiores ad dividendum, & partiendum per quatuor elementa, videlicet per destillationem. Ipso autem putrefacto per 15 vel 16 dies, extrahatur & in cucurbita aptetur, & destilletur cum lento igne in balneo Mariæ. Sufficit verò, quod aqua cum igne seruat, & recipies aquam (*destillatam*) & fæces, quas in fundo cucurbitæ invenies diligenter reserves; Aquam verò, quam destillasti, septies destilla, semper fæces, quas faciet, reservando cum aliis fæcibus superius reservatis. Et sic habebis aquam splendidam, claram & albam ut cristallus, & bene ponderiam, quæ dicitur esse mercurius Philosophorum ab omnibus Philosophis absconditum, & ab omnibus suis superfluitatibus abstersum & depuratum, carissimum & pretiosissimum pretiosum; custodias ergò eum cautè & sapienter in ampulla firmiter obturata. Tunc recipe omnes fæces ipsius mercurii, sicut dixi, superius reservatas, & tere bene in marmore, distemperando (*cum phlegmate aceti destillati*) & ad solem desiccando, & iterum molendo, & semper cum aqua aceti destillati supra marmor imbibendo, & ad solem desiccando; & sèpè sèpius seu toties contritiones, imbibitiones, & desiccationes iterando, donec nigredo & omnis superfluitas ab eis fæcibus expulsa fuerit, quod sic cognosces, si fæces per imbibitiones & ablutiones prædictas rubæ vel rufæ vel citrinæ fuerint, tunc bene factum est, si verò adhuc nigræ fuerint, contritiones, imbibitiones & desiccationes reitera toties, donec habeas sìgnum prædictum; & tunc ipsas reserua. Deinde recipe cucurbitam vitream, in qua repone prædictas fæces superius præparatas, cum quantitate bona aceti destillati, & colloca ipsam in furno videlicet in balneo Mariæ, & suppone ignem, quem con-

continues jugiter, donec fæces prædictæ per virtutem aceti & ignis omnino dissolvantur, & cum bene fuerint dissolutæ, deponatur cucurbita ab igne & fac eas destillare per filtrum, sicut decet, cùm autem aqua illa (*dissolutio fæcum*) fuerit tota ita destillata (*filtrata*) repone eam in cucurbita nova & bene obtura: Si verò aliqua pars notabilis remanserit in destillatione filtri ad dissolvendum, recipe illam partem, & pone iterum super ignem, sicut fecisti primas fæces, in balneo mariæ, donec dissolvatur, ut istas fæces, quæ remanserunt cum aceto dissolvias, sicut primas fæces in balneo cum aceto in cucurbita dissolvisti; postea per filtrum, ut prius, destilla, & repone cum alia aqua superius destillata, quam reservasti; tunc recipe illam cucurbitam novam, in qua prædictas fæces dissolutas & destillatas superius posuisti, & luta eam igne cum suo alembico, & colloca eam super furnum in balneo, & suppone ignem, & fac destillari, sicut decet: Caveas tamen, quod fæces non omnino desiccentur, sed sint humidæ sive liquidæ: Hinc deponere cucurbitam à furno, pone inter cineres cribellatos, & bene compressos, & suppone lentum ignem ob temperationem vitri, & rationem extrahendi extraneam humiditatem, quæ sibi est de aceto, & sepè saepius respice rostrum alembici, si humor aureus vel rufus destillatur; quod si non destillatur, continua ignem illum, donec destilletur humor rufus vel aureus, quando autem ita destillat, mox muta ampullam bene mundam, & luta eam optimè cum rostro alembici, & tunc fortifica ignem, & recipias oleum rufum, & sic continua ignem, donec totus humor destilletur, & fæces reserua, quoniam sunt *Ignis*; prædictum verò oleum Philosophi nominaverunt *sulphur eorum occultum*, quod sic rectificabis, repone ipsum in cucurbita, & superpone alembicum bene lutatum, post colloca eum inter cineres supra furnum, & subjice lentum ignem, donec destillet, recipe autem liquorem, quem destilabit in ampulla bene obturata cum rostro alembici, & fæces, quæ remanebunt, serva, quoniam sunt *Ignis*; & istum *Ignem* coniunge cum alio igne reservato, & sic purificalis ipsum septies destillando, & fæces quas faciet reservando, sicut superius dixi, & sic habebis tuum aërem, sive sulphur bene depuratum, lucidum, serenum, & perfectè depuratum, & erit coloris aurei, &c.

Barco

Baco sanguinem leonis viridis per 15 dies putrefactum septies cohobavit ex balneo in aquam splendidam & ponderosam, quam vocavit mercurium Philosopherum; ex fæcibus autem relittis in hujus mercurii rectificationibus, aceto destillato dissolutis, novum confecit gummi, ex quo denuò destillavit humorem aureum vel oleum rufum, quod post septenam rectificationem aërem esse voluit vel sulphur philosophorum bene depuratum, lucidum & serenum. Ripleus verò dupli methodo usus fuit in rectificatione menstrui fætentis, sive Leonis viridis; vel enim sanguinem recentem Leonis viridis divisit in duas partes, destillando nempe tantummodo usque ad medietatem, partem destillatam vocavit mercurium album, tincturam albam, Lac Virginis, &c. partem alteram & residuum nuncupavit mercurium rubeum & tincturam rubeam, &c. Ut videri est libro Adrop phil. loco superius allegato.

*Vel totum menstruum, sanguinem unà cum fumo albo putrefecit per 14 dies, quod posteà divisit in tres substantias, aquam ardentem, aquam spissam, albam, & oleum, ex quibus porrò menstruum composuit vegetabile, (quod à Lullio descriptum est in potestate divitarum, & à Ripleo superius sub No. 35. in suo vade mecum.)*

*De his tribus substantiis menstrui fætentis Ripleus sequentia habet in libro Terra Terræ philosoph. pag. 319. Ubi sic: Cum ergò ex gummi totum mercurium extraxeris, intellige, quod in hoc mercurio continentur tres liquores, quorum primus est Aqua vitæ ardens, quæ per balneum temperatissimum extrahitur. Hæc Aqua incendit & inflammatur citissimè, ut Aqua vitæ communis. Et vocatur mercurius noster attractivus, cum quo sit terra crystallina cum omnibus calcibus metallicis, de quo nihil amplius loquar: quia in hac operatione non indigemus. Postea verò sequitur alia Aqua spissa & alba, ut lac, in parva quantitate, quæ est sperma nostri lapidis, qui à multis perquiritur, nam & hominum & animalium omnium viventium sperma est principium. Quocircà non immerito vocamus illud nostrum mercurium, qui per omnia & ubique repetitur: Nam sine illo nemo unquam vivit, atque ideo dicitur esse in omni re. Hæc humiditas, quæ jam tibi debet esse charissima, est mercurius ille, quem vocamus vegetabilem mineralem & animalem, argentum vivum nostrum, & Lac Vir-*

ties  
uam  
s in  
vum  
vel  
luit  
num.  
trui  
tem  
um-  
ner-  
tem  
flu-  
pe-  
ecit  
ar-  
men-  
in  
suo  
  
itia  
sic :  
ge,  
pri-  
um  
ut  
us,  
is,  
di-  
ac,  
cul-  
vi-  
ca-  
pe-  
tur  
esse  
em  
Lac  
Vir-

Virginis & nostram aquam permanentem. Cum hac Aqua mercuriali lavamus peccatum originale & sordes terræ nostræ, quoique fiat alba, ut gummi citò fluens. Post extractionem verò hujus Aquæ prædictæ veniet oleum per ignem siccum, cum hoc oleo facimus gummi rubeum, quod est tinctura nostra, & nostrum sulphur vivum, quod alias dicitur anima saturni, & aurum vivens, tinctura nostra pretiosa, & aurum nobis charissimum, de quibus nemo unquam locutus est tam manifestè. Ignoscat ergò milii Deus, si aliquo modo illum offenderim, dum voluntati tuæ satisfacere cogor.

Magnum aliquod artis mysterium hic à Riplæo detegitur, ob cuius revelationem timet sibi non Adeptorum solum, sed divinam maximè displicantiam. Evidem, qualis sit leo viridis noster, quid mercurius communis magis nobis communis, quam argentum vivum commune, quid sit vitriolum azoqueum & menstruum inde consecutum, id ipsum Lullius & alii satis manifestè revelarunt discipulis suis, utut nobis de re minus instructis, id fortè non videatur: De præsenti autem Arcano neminem locutum fuisse unquam tam manifestè, Riplæus testatur. Adepti quidem tradidere in suis practicis usum vini (philosophici) sine pallio philosophiae, & inter eos Raymundus atque Arnoldus cum quibusdam aliis ad cognitionem ejusdem pervenerunt, sed (ut utar Riplæi expressione in Medulla) quomodo obtineri posse, tacuerunt. Quamobrem tacentibus illis, Riplæus omnium primus, & solus quidem, nobis declarat, clavem totius secretioris Chymie ibi latere, nimirum in lacte & sanguine viridis leonis, videlicet: menstruum fætens (sive partes ejus, mercurium & sulphur, Lac Virginis, sanguinem leonis, mercurium album & rubeum) per 14 dies digestum leniter, esse vinum album & rubeum Lullii aliorumque Adeptorum: Nec gratis hoc nobis dictum voluit, sed verbis suis vim & lucem addit, componendo ex dicto fætente & corrosivo menstruo, menstruum vegetabile, Aquam vitae rectificatam (Lullii in potestate divitiar. & à nobis sub No. 35. descriptam) quo unico exemplo nos docere voluit, posse ex dicto menstruo fætenti confici omnia menstrua vegetabilia. Lullii aqua vitae rectificata sit variis cohabitationibus super proprium caput mortuum. Liberum est nobis, procedere per aliam viam methodumve. Destilla menstruum fætens per 14 dies digestum, & ascendet primò Aqua ardens, deinde phlegma, & in fundo

remanet materia crassa, instar picis fusæ, quæ sunt omnium membrorum vegetabilium principia constitutiva.

Desistamus itaque ab ulteriori prosecutione dicti leonis viridis, quem per prata & sylvam Dianæ, per viam saturni (philos.) persecuti sumus usque ad vineas philosophicas. Præsens hic locus amoenissimus, datus est artis discipulis, ut post tot & tantos labores & sudores, fortunæ & vitæ pericula, hic sese recreent, exercendo opera mulierum & lusus puerorum, contenti leonis sanguine rubicundissimo, & comedendo uvas Dianæ albas rubrasve, quarum vinum depuratum est secretum totius secretioris Chymiae secretissimum, utpote album vel rubeum Lullii, antiquorum nectar & desiderium unicum, Adoptatorum primum refrigerium, Nasutorum verò & ignorantium summum cordolium & offendiculum.

Antequam tamen hinc discedamus, aliud quoddam non ingratum serculum offeram vobis Paracelsitibus, nimirum id ex leone viridi elicitem lac Virginis sive mercurium album (alias vinum album Lullii) apud Paracelsum esse illud tam anxie quæsumum Gluten aquilæ seu leonis viridis. Aquila enim & leo viridis sunt Adeptis rei ejusdem synonyma. Sic enim Riplæus suprà: Aquam albam obtinebis, quæ est tintura nostra alba, nostra Aquila, noster mercurius & Lac Virginis. Consequenter igitur mercurium rubeum (alias vinum rubeum Lullii) esse sanguinem leonis rubei seu viridis. Idem enim leo modò viridis vocatur (in juvenili suo statu) modò rubeus (in adultiori suo statu) unde sanguis quandoque dicitur leonis viridis, quandoque rubei. Sic Riplæus (in menstruo sub No. 61.) inquit, Recipies sanguinem rubei leonis rubicundissimum, instar sanguinis, qui est mercurius noster & tintura nostra jam præparata, ut effundatur super fermentum suum, hoc est, super calces auri purissimi. Item alibi: Sanguis leonis rosei coloris. Sed audiamus ipsum Paracelsum.

65. Leo

( 195 )

65. Leo viridis Paracelsi,

Aureiveller. Germ. p. 41. vols.

R. **A**CETUM distillatum, quo solve leonem viridem, pone in putrefactione, solutionem filtra, abstrahē in B. a- quositatē usque ad oleitatem. Oleum vel residuum hoc pone in retorta, distilla ex arena humiditatē leni igne: Deinde adauge ignem, & leo viridis, vi ignis coactus dabit Gluten suum, aliās aërem; capiti mortuo affunde phlegma suum (ab- stractam humiditatē) in fimo (vel balneo) putrefac & di- stilla, ut suprà, & iterum ascendent spiritus; urge fortius, & veniet oleum tenax citrini coloris. Super caput mortuum affunde iterum primam aquam destillatam, pone ad putrefa- ciendum, filtra & destilla, ut anteā, tandem fortissimo igne aperto, & exhibet oleum sanguineum, quod aliās vocatur ignis. Terram residuam reverbera in albedinem, &c.

*Hucusque habuimus menstrua fætentia ex vitriolo azoquo- tantū confecta, aliquando tamen huic addidere Adepti vitriolum commune; ita fit*

66. Menstruum fætens ex gummi A-  
drop & vitriolo com. Riplei,

Pag. 357. Viatici.

R. **E**T contere gummi factum de sericone mediante aceto destillato, cum tanto ana vitrioli evaporati, & pri- mò lento igne evacua aquam, deinde cum forti recipe oleum (sanguinem leonis) quod separa ab aqua, donec habeas pu- rum oleum per se.

*Aliquando loco vitrioli communis addidere vitriolo azoquo- ni- trum commune, ita Lullius composuit suum menstruum fætens in- practica testamenti.*

C c 2      67. Men-

67. Menstruum fætens ex vitriolo &  
azoqueo & nitro Lullii,

*Cap. 9. Pract. testam. p. 159. Vol. 4. Th. Chym.*

R. **P**Artem unam de D. (D. significat vitriolum azoqueum quod corruptit & confundit omne illud, quod est de natura & esse communis argenti vivi, pag. 154. (& dimidiam partem de C.) C. significat sal petræ vel nitrum pag. 154. ejusdem Volum.) quæ simul optimè molantur & cribrentur, & bene misceantur, ponésque in cucurbita vitrea situata in furno, & superposito alembico, in quo per resolutionem secundantur spiritus & condensantur, & lutabis juncturas vasorum cum panno lineo impastato & madefacto in luto, facto de flore farinæ, & albuminis ovorum, ut proprietates trium mercuriorum unitæ, scilicet salsuginosa, vitriosa, & aquatica simul junctæ & in unum positæ non perdantur. Et adverte, ne dicti pulveres in cucurbita positi non transcendant neque superent pondus octo unciarum, & ad tempus abbreviandum, ponas in aliis duabus cucurbitis de pari pulvere, secundum pondus octo unciarum in qualibet cucurbita, & illas colloca supra furnellos longos, per modum, quem declarabimus in capitulo furnorum, nec pone nisi tres cucurbitas suprà unum furnellum, nam ignis non possit pluribus æqualiter ministrare, prout requirit mixtio naturæ, & sint dictæ cucurbitæ collocatæ, una ab alia remotæ quinque vel sex digitorum spatio, & lutentur fundi cucurbitarum de terra argillata percussa fortiter cum pilis animalium, & pone cineres puros bene cribratos subtus bene compressos ad spissitudinem quinque digitorum, & pone ad nasum cujuslibet alembici phialam unam vitream colli longi ad finem, quod continens illarum philarum non sentiat furni calorem, neque Aqua philarum possit refluere, neque spiritus recedere aut fugere. Postea habeas lignorum ferraturas, de quibus provisionem habeas magnam, harum accipe duas partes, & partem dimidiam marci (uvæ expressæ magma est) torcularis vindemiarum vel de abiete sicca, & misce cum dicta fer-

ferratura. Et de tali compositione furnum tuum imple, post  
 ignem tuum accende in duabus extremitatibus & eum accen-  
 dere permitte. Nam aliis ignis non est tibi faciendus, quo-  
 usque videbis destillare sex guttas aquæ, vel 10, aut 15, vel  
 20. Et quando ad 20 destillaverit fac ignem cum parvis li-  
 gnis siccis, & sic paulatim incipe facere ignem flammæ in di-  
 recto materiæ, & vide, quando destillabit, quod Aqua sit  
 clara, & quando erit ad 15 puncta & aqua erit clara, & fumi  
 subtile, continua ignem illum æqualiter. Et si videas, quod  
 de quindecim punctis ad 12 revertatur, aut minus, fortifica  
 ignem, & continua secundum punctum suæ distillationis, &  
 posteà tertio fortifica ignem tuum de uno punto ultra, & con-  
 tinua usque nil plus distillat, & tunc dimitte ignem facere,  
 & clade furnum tuum, & refrigerari permitte, & si aqua sit  
 clara sine aliquo colore turbido, vel sine turbulentia, hanc ac-  
 cipe & custodi, & phialam obstrue cum cera tepida, ne aliquid  
 respiret, nec aër intret, quia statim corrumperentur spiritus,  
 qui sunt subtile, per aërem. Recordare quando incipies i-  
 gnem facere lignorum siccorum, quod vasa tua debent esse  
 habituata de pasta supradicta, atque lineis pannis circumdata,  
 phialaque bene lutatae ad nasos alembicorum de luto eodem,  
 ponendo unam paleam inter nasum alembici, & phialam,  
 nam plerumque dum ignis operatur, aër vult exire, & respi-  
 rare, quando continentem non habet, qui eum possit retinere,  
 nam calidus & calorosus est, & subjectum, quod eum retinet,  
 calorem excellentem pati non potest. Et ideo indiget aliquo  
 loco, in quo valeat respirare. Aperi ergo ei foramen quando  
 sufflare audieris. O pater quomodo fecisti practicam ita lon-  
 gam? Fili, ut sis habituatus in omnibus rebus parvis & ma-  
 gnis, & ut habeas specialiter & generaliter ignium notitiam &  
 aliarum operationum, & etiam omnium lutamentorum, quia  
 nostræ non est intentionis, ut amplius de ipsis dicamus, cùm  
 sapienti intuenti & intelligenti nihil est ibi subtile, & ut posteà  
 dicere possis, quod menstruale fætens sit ad tuum præceptum  
 quod est res vilis, per quam omnia corpora in eorum primam  
 naturam breviter convertuntur, & est pura & propria origo rei  
 mirabilis & utilissimæ, sed cum intellectu claro ipsam cognosce-  
 re seias, oportet, &c.

*Simile menstruum habet Lullius in magia naturali quod dicitur*  
 68. Aqua.

**68. Aqua calcinans omnia corpora  
Lullii,**

*Magiae Naturalis, p. 359.*

**D**E terra id est D. (*de vitriolo azoquo*) uncias quinque & semis, & de aqua id est C. (*de salepetræ vel nitro*) uncias duas & semis, cuius summa est pondus octo unciarum, & totum mixtum subtiliter moles in marmore, tunc pones in vase vitro cum alembico superposito, & destilla totam materiam, primo faciendo ignem lendum de ferratura lignorum capiendo de ea duas partes, & de carbonibus parvis vel tritis partem unam cum dimidia, & parum de surfure sicco, & accende ignem, & dimitte, ut deinceps accendatur per se, quoisque incipiat destillare ab uno puncto usque ad duodecim (*viginti*) puncta & tunc cum parvis lignis incipias fortificare ignem, faciendo ignem flammæ rectè sub materia, & sic continua ignem quoisque revertatur ad duodecim vel quindecim puncta, vel etiam in pauciora, & posteà continua totum ignem secundum puncta suæ destillationis, & posteà fortifica ignem per unum punctum ulterius, & illum continua quoisque alembicus perdat suum calorem vel amplius non destillet, tunc cessa, & dimitte infrigidari, collige illam aquam & serva in loco calido & humido, & caveas, ne aliquo modo possit respirare. Et memento, quod habetas pallam (*paleam*) in lutamento rostri alembici & collo receptaculi, ut aliquando illam extrahere possis, ut recipiens habeat respiraculum, quoniam tantus est ibi subtius calor, ut vas continens sufferre non possit calorem illum excessivum; ergo quandoque oportet, ut aperiatur, & quandoque claudatur. Nota, quod hæc aqua ex re vili facta, habet vigorem convertendi corpora in suam primam materiam, quæ conjuncta virtuti vegetabili est multæ perfectionis, & statim postquam destillata fuerit vult poni ad practicam, ne spiritus, qui est subtilis & extraneæ naturæ pereat per aërem.

*Idem menstruum describitur in Clavicula Lullii sub hoc titulo;*

**69. Men-**

69. Menstruum fætens pro dissolutione calcis auri & argenti, ut reducantur in argentum vivum,

*Cap. XV. Clav. p. 299. Vol. 3. Tb. Chym.*

R. **V**itrioli libras duas, salis petræ libram unant, cinabrii uncias tres (cinabrum inter cætera hujus menstrui ingredientia non capio quo errore perperam irrepserit, sed non hujus, sed sequentis menstrui pro lapide phil. dissolvendo constitutivum est, præsertim cum ipse Lullius. cap. 2. Claviculæ de Extractione mercurii à corpore perfecto, de cinabrio nullam mentionem fecerit quum tamen ibidem paucis hisce hujus menstrui dederit descriptionem, dum scribit: Ponatis de nostro menstruali fætenti, factio de duabus partibus vitrioli rubei, & una salis petræ, & prædictum menstruum prius destilletur septies, & bene rectificetur) rubificetur vitriolum, & pulverisetur, post pone salispetram & cinabrum, & tere omni asimil, postea ponas in vasis aptis ad destillandum bene lutatis. Destilletur in lento igne primum, ut est opus, ut norunt qui id egerunt. Hæc aqua destilletur sæpius, projiciendo facies, quæ remanent in fundo cucurbitæ, & sic erit optimum vestrum menstruum destillatum.

*Aliquando vitriolo azoquo & nitro superaddidere vitriolum comm. Ita conficitur*

70. Menstruum fætens ex vitriolo azoquo vitriolo com. & nitro Riplei,

*Cap. I. pag. 143. Medullæ phil. chym.*

R. **V**itriolum factum de acutissimo humore uvarum, cum igne naturæ & sericone (*Vitriolum azoicum*), conjunctis in una massa cum vitriolo naturali (*communi*) aliquantulum

tulum exiccato, simul cum sale nitri, atque ex his destilletur aqua, quae primo erit debilis phlegmatica sine coloratione vasis, quam projice. Tunc ascendet fumus albus, qui faciet apparere vas quasi lac, qui colligendus est, quoisque cesseret, & vas revertatur ad suum pristinum colorem. Nam illa aqua est menstruum fatens, in quo est quinta essentia nostra, id est fumus albus, qui vocatur ignis contra naturam: Qui si esset absens, esset ignis noster naturalis, de quo plura dicimus suo loco. Et haec aqua scilicet mineralis & vegetabilis, commixta & una aqua facta operantur contraria, quod est mirandum. Nam haec una dissolvit & congelat, humectat & exiccat, putrefacit & purificat, disgregat & conjungit, separat & componit, mortificat & vivificat, destruit & redintegrat, attenuat & inspissat, nigrescit & albescit, comburit & frigescit, incipit & perficit. Hi sunt duo dracones pugnantes in gurgite fathaliae, hic est fumus albus & rubeus, quorum unus devorabit alterum. Atque hic vasa resolutoria non debent lutari, sed solummodo leviter sint obstructa cum panno lineo & mastiche aut cera communii. Nam haec aqua est ignis & balneum intrà vas & non extrà, quæ si alium ignem fortè senserit, statim elevabitur ad summum vasis, & si ibi requiem non invenerit, vasa rumpentur, atque ita compositum relinquetur frustratum. Haec aqua composita in quantum solvit, in tantum congelat & elevat (congelatur & elevatur) in terram gloriosam. Atque ita est secreta dissolutionis nostri lapidis, quæ semper fit cum congelatione suæ aquæ. Et propterea quod hic ignis naturæ additur aquæ contra naturam, ideo quantum perdidit de sua forma per ignem contra naturam tantum recuperat per aquam naturæ, ita ut opus per ignem contra naturam non possit destrui aut in nihilum verti.

## Ex Receptis observamus,

1. Menstrua hujus generis, reliquorum omnium tamen mineralium quam vegetabilium esse prima, ex ipsa vini phil. materiali frumentis philosophicis confecta.

2. Liquorem sive spiritum lacteum, lac virginis, mercurium album, vinum album Lullii, & gluten leonis viridis esse synonyma, alias gluten aquilæ apud Paracelsum: Liquorem vero

ru-

rubeum, sanguinem leonis viridis, mercurium rubeum, sulphur Philosophorum & vinum rubeum Lullii, itidem esse synonyma, alias sanguis leonis rubei Paracelso.

3. Menstrua mineralia acida, digerendo vel ulteriore elaboratione, transmutari vel in menstruum vegetabile simplex, vel in cælum sive spiritum vini philosophici.

4. Menstrua hæc acida summâ cautela esse destillanda ob nimiam vitrioli azoqui vel potius spiritus vini philosophici in hoc vitriolo existentis cum acidis effervescentiam.

5. Menstrua mineralia esse cælum vel essentiam vini philos. acido dissolutam, hinc habito hoc spiritu, ea ipsa similiter ex tempore conficies per simplicem dissolutionem.

6. Menstrua jam præparata statim in usum esse adhibenda ne pereant.

7. Menstrua dissolvendo corpora coagulari.

8. Corpora metallica hisce menstruis redigi in argentum vivum currens.

9. Menstrua hæc dici fætentia ob fætidum odorem. Solo fætore hæc facilè distinguimus ab illis fragrantibus, quæ menstrua vegetabilia dicuntur. Sic Morienum menstruo fætenti usum fuisse probat ipsius menstrui fætor. Qualis est ergo ejus odor, interrogat Rex Calid, ante & post ejus confectionem? Respondet Morienus: Ante confectionem nimis est gravis & fætidus, & post confectionem est ejus odor bonus, juxta hoc quod sapiens dicit: Ista aqua à corpore mortuo & jam inanimato tollit odorem. Nam ejus odor est malus, & odori sepulchrorum assimilatur. Quicunque animam dealbaverit, & eam rursum ascendere fecerit, & corpus bene custodierit, & ab eo omnem obscuritatem abstulerit, & odorem malum ab illâ extraxerit, ipsam in corpus infundere poterit. Et in hora conjunctionis maxima miracula apparebunt. Morien. de Transm. metall. p. 33.

Gebrum etiam laboravisse cum menstruo minerali ipse testatur, cap. 25. summæ perfect. Prima principia naturalia, inquit, ex quibus metalla procreantur sunt spiritus fætens, id est sulphur, & aqua viva, quam & siccum aquam nominari concedimus. Et alibi in fine libri investigat. pergit. Manifesta probatione & aperta concludit: Lapidem nostrum nihil aliud esse, quam spiritum fætentem & aquam vivam quam & siccum aquam nominamus, per naturalem decoctionem & veram pro-

portionem mundatam unione tali , ut sibi nihil abesse nec adesse possit , quibus addi debet tertium , ad opus abbreviandum hoc est corpus perfectum attenuatum.

10. *Adrop nomen materiae horum menstruorum significare saturnum sive plumbum Philosophorum.* Prima materia hujus corporis leprosi , *inquit Ripleus* , est aqua viscosa inspissata in viscerebus terræ. De hoc corpore , *ut vult Vincentius* , fit magnum elixir ad rubeum & ad album , cuius nomen est Adrop , quod aliter vocatur plumbum Philosophorum. pag. 132. *Medullæ Phil. Chym.*

Lapis noster , *inquit Arnoldus in speculo Alchymia* , vocatur Adrop quod est latinè saturnus , & secundum Trojanos draco vel topum , id est , venenum. *Septima dispositio speculi pag. 596. Volum. 4. Th. Chym.* Ostendi quod philosophi propter diversitatem colorum diversa nomina imponebant , sed quantum ad eorum intentionem unum proprium nomen habuerunt scilicet aurum romanum , vel Adrop , vel Lapis superior omnium lapidum hujus mundi. *Quarta dispositio speculi pag. 594. ejusdem volum.*

Laton & Azoch sunt insimul & nunquam separantur , imo conjuncti manent semper , sed propter diversitatem colorum , philosophi nominaverunt multis nominibus : Et secundum quod colores variantur & mutantur , tanta nomina imposuerunt , quia Azoch apud indos est aurum , & apud Hermianos est argentum , & apud Alexandrinos & Macedonienses est ferrum , apud Graecos mercurius , apud Hebraicos stannum , apud Tartaros æs , apud Arabicos saturnus , apud Latinos & maximè apud Romanos Ognividon ( dono G. vini ) sed ut nullus erret , dico quod habet unum proprium nomen , & vulgariter ab hominibus nominatur & quilibet cognoscit lapidem. *Tertia dispositio speculi p 593. Volum. ejusdem.*

*Alii Adeptorum non Adrop sed Atrop scribunt , quo nomine indigitare voluerunt , materiam horum menstruorum esse quasi portam totius secretioris Chymia*. Atrop enim per inversionem literarum porta legitur. Ita Robertus Vallenfis in Gloria mundi pag. 305. Ut ad verum fundamentum pervenias , *inquit* , tibi denuò inculcabo , illumque primum Hyle , hoc est , rerum omnium principium appellabo , nominatur quoque sanctus unus , intellige ex repugnantibus elementis quæ in illo sunt ; *Lapis.*

pis philosophorum, solis, metallorum, servus fugitivus, aureus lapis, Thirnius lapis, Magnesia, sive corporalis lapis, Marcasites, Lapis gemmæ, Lapis liberorum, aureus lapis, origo rerum mundanarum, Xelis quoque per inversionem Silex, Xidar eadem inversione Radix, Atrop per inversionem porta, & quotquot etiam alia nomina habet, tamen unica saltem res est.

*Roberto ad stipulari videtur Lullius, cui placuit quamcunque alterationem vitrioli azoqui sive materiæ menstruorum, hujus generis nuncupare operis portam primam; ita materiæ dissolutionem vocavit portam primam: In toto magisterio nostro, inquit, necessarii sunt tres spiritus principales qui sine consummatione suæ resolutionis non possunt manifestari, & nominantur alio modo tria argenta viva— Et quia resolutio est toties primæ portæ habitudo nostri magisterii, quam declarare volumus— dicta resolutio divisa est in tres partes principales. Prima est corporalis & vocatur in lingua Oritana Rectage ( id est facere G. per G. autem intelligit sulphur aqueum. Cap. 5. Theor. Test. pag. 15. Volum. 4. Theat. Chym. vel mercurium nostrum. Cap. 20. pract. Test. pag. 170. ejusd. Voluminis.) Secunda spiritualis est, & vocatur Agazoph. Tertia autem spiritualis & corporalis & vocatur Ubidrugat, &c. Deinde cum materia in ejus resolutione appareat nigra; nigredinem hanc, (ob quam alii eam dixeré plumbum) esse voluit signum primæ portæ. In prima resolutione, inquit, jacet totum periculum, & ideo tibi notifico, quod habeas sulphura per calorem destructa simplorum argentorum vivorum in forma tali, ut eorum proprietas activa non exterminetur extraneo calore, & quod separari non possit à suo subiecto humido, quod ex toto appetet nigrum, plenum de nobili spiritu. Ista nigredo demonstrat signum primæ portæ ad intrandum nostrum magisterium, & sine ipso non potest aliquid fieri, quia est ignis naturæ, qui habet lapidem creare, & qui sine sui corporis corruptione manifestari non potest. Cap. 28. Theor. Test. pag. 51. Volum. 4. Th. Chym.*

*Denique ipsam hujus materiæ destillationem vocavit primam portam. Präparatio lapidosi spiritus ac fermentabilis est, quod recipias de succo lunariae, & sudorem ejus extrahe cum igne parvo & levi, & habebis in tuo posse unum de argentis vivis nostris in liquore & forma aquæ albæ, quæ est ablutio*

& purgatio lapidis nostri & totius ejus naturae. Et istud est unum de principalioribus secretis & est prima porta, prout intelligere potes rationibus antedictis, &c. Cap. 9. Theor. Test. pag. 21. Volum. ejusdem.

Ex hisce & ejusmodi locis persuasus dices: Potius scribendum esse Atrop quam Adrop cum praeter nigredinem sive plumbum philosophicum significet operis initium vel primam portam.

11. Plures esse in Chymia adepta leones virides, quos inter se distinguerne necesse est.

Per primum adepti intellexerunt solem cælestem, totum mundum gubernantem.

Secundus est argentum vivum nobis commune quam argentum vivum commune.

Tertius est dictum argentum vivum in viridem colorem, dissolutum.

Quartus est Adrop, vitriolum azoicum plumbum philosophorum, &c.

Quintus est ipsum menstruum fætens, alias sanguis viridis leonis dictus.

Sextus est leo viridis fatuorum, vitriolum Romanum, viride æris, &c.

Septimus est extraordinarius videlicet mercurius vulgi sublimatus.

12. Plures etiam esse saturnos.

Primus est plumbum vulgi, metallorum impurissimum adeoque in arte nostra omnium remotissimum. Quod probare Adeptorum sententiis superfluum est, cum ubique fere locorum legamus apud Adeptos lege solenni cautum esse ut nobis caveamus ab hoc metallorum mineraliumque devoratore saturno. Cave, inquit Ripleus, (ut hunc unicum pro omnibus adducam testimoniū) ne opereris cum saturno, quia vulgariter dictum est, ne comedas de filio, cuius mater est corrupta, & crede quod multi errant in saturno. Audi quod Avicenna dicit: Saturnus semper erit saturnus; imò ne opereris in terra saturni (philos.) quam ejus spiritus despexit & reliquit pro sulphure pessimo, &c. Cap. 2. Philorci, pag. 188.

Secundus est Adrop sive vitriolum azoicum; de quo in antecedentibus.

Tercius

Tertius est operis primi primus color velnigredo; de quo in sequentibus.

Quartus est cuprum, metallorum primum; de quo Arnoldus in speculo Alchym. disp. 8. pag. 605. Volum. 4. Theat. Chym. ita: Fuerunt inquit Philosophi qui posuerunt scientiam in septem Planetis; & primus planeta noster vocatur Venus, secundus Saturnus, tertius Mercurius, quartus Mars, quintus Jupiter, sextus Luna, septimus Sol. Cupri generatio primum obtinet locum post mercurium (universalem) ait Basilius libro de rebus nat. & supernat. cap. 4.

Ex omnibus illis, inquit Paracelsus, quæ ex salibus oriuntur, nullum est virtuti minerali cognatus, ac est vitriolum; cuius rei hæc causa est, quod salia mineralia sint, & mineralia omnia in massa una & Ares lateant. Vitriolum autem in separatione mineralium est ultimum, hoc quam proxime sequitur generatio metallorum ex quibus Venus primum est. Libro 4. philos. de Elemento aquæ. pag. 279.

Et paulo post ait: Marcasithis & cachymiis a prima materia metallorum hoc modo separatis, sequitur deinde generatio prima, quæ est veneris, &c. Præterea per separationem, qua marcasitharum & cachymiarum naturæ expelluntur, cupreæ generatio-nes nimis celeriter concurrunt, sese imprimunt & simul coagulan-tur; cuius rei hæc causa est, quod id primum post separatio-nem marcasitharum & cachymiarum metallum sit. Libro eodem pag. 281.

Veneris vitriolum, eo quod primum sit quod præ cunctis rebus mercurio vegetabili addatur vel conjungatur in confectione Adrop a Lullio dicitur primus masculus. Iste ignis, inquit, est illa pro-prietas mercurii quam debes totis viribus à combustionē conser-vare; scilicet tinctura vitrioli cum qua debet mercurius (vege-tabilis) sublimari, quoniam est primus masculus ejus, & est additamentum tinturæ nostræ, quod est additio magna in vir-tute & potestate, cum conjuncta sit cum tinctura solis. Nam si a vitriolo & sale scis extrahere proprietatem mercurii, & sibi amicari per conjunctionem, quæ sit per sublimationes len-tas, non ignorabis unum de secretis naturæ maximum, & ve-ram perfectionem principalem. Codicill. cap. 92. pag. 202. Ita passim in Theoriâ Testamenti majoris intelligit vitriolum per masculum suum, præsertim in hisce locis: Ignis maris nostri.

nōsbri pag. 50. *Virtus masculi* pag. 94. *Virtus spermatis masculi* pag. 108. *Calor masculi* pag. 72. *fæmella (Venus)* in hoc casu est *masculus*, & non est tam calidus ut *masculus verus (secundus)* aurum. Pag. 73. Volum. 4. *Theat. Chym.*

*Hujus etiam masculi meminit Espanetus in confectione sui menstrui.* R. *Inquit Virginem alatam optime lotam & mundatam semine spirituali primi masculi imprægnatam,* &c. §. 58. *Arcani Hermeticæ phil.*

Paracelsus ut *masculinam* *veneris naturam* eo melius exprimeret id *metallum nomen masculini generis* fecit, *metallus primus*. R. *Inquit liquorem corallinum, eum nempe qui probè diaphanus existit, cui adjunge ejus quidem vitrioli quod est ex venere quintam partem, digerantur in balneo ad mensem suum.* Hoc enim pacto separat se *Vinum metalli primi* in *summitatem, cæterum quicquid de fæcibus vini (hujus) est vitriolum veneris occupat (intelligit residuam in Extratione vitrioli relictam) sive fit primus ille metallus per spicum diaphanum ac rubicum plane vinum,* &c. Cap. XII. Libri 3. de vita longa Pag. 65.

*Quemadmodum vero venerem Adepti dixerunt metallum primum in masculino genere; ita etiam Saturnum nomen masculini generis transmutavere in nomen fæminini generis (Saturnam) ut per istud non plumbi valgi sed cupri exprimerent nomen fæmininum venerem.*

*Habeo, inquit Ripley filiam dilectam & mihi caram nomine saturnam, de qua certe filia, Elixiria tam alba quam rubea sunt. Ex ea igitur extrahere debes aquam claram, si hanc scientiam habere desideras, &c.*

*Aliquando ut per Saturnum non modo venerem, sed etiam cupri philosophicam (id est menstruo vegetabili peragendam præparationem describerent illum fecerunt vegetabilem sive herbam, ut ita præparatum à non præparato distinguerent, ita Flamellus in suo summario: Quidam rerum imperiti homines, indolique Chymici vulgare aurum, argentum & mercurium sumunt, illaque tam male tractant, donec per fumum evanescant, atque eo modo mercurium Philosophorum perficere conantur: Ad illum tamen minime perveniunt, qui prima lapidis est materia & vera minera. Sin autem ad illum*

lum pervenire, & boni aliquid reperire velint, tunc ad mon-  
tem septimi, ubi nulla est planities sese conferre & ex alto  
deorsum sex cæteros intueri necessum habent, quos è longin-  
quo conspicient. In montis istius altitudine triumphantem re-  
galem herbam, quam quidam philosophi mineralēm nonnulli  
vegetabilem invenies, & jusculum purum mundumque  
exinde sumatur, atque hoc modo potior operis pars fieri pote-  
rit, & hic rectus subtilisque mercurius Phil. tibi sumendus  
est. Locus hic ita legitur apud Chortalassæum pag. 313. Vol. 6.  
Theat. Chymic.

Montem igitur concende, ut vegetabilem saturninam, plum-  
beam & regiam similiter etiam mineralēm radicem aut her-  
bam videoas, succum inde tantum sume, & siliquas ab-  
jice.

#### XIV. Genus.